



CENTRALNO GRIJANJE, TUZLA d.d.

Krečanska br.1, 75000 TUZLA
Identifikacijski broj kod UIO: 209012500008
Identifikacijski broj : 4209012500000
Rješenje o registraciji : U/I-920/02
Maticni registarski broj : 1-294

Broj: 09-07062-2023/XIII-3

Datum: 09.10.2023. godine

Na osnovu člana 83. Statuta „Centralno grijanje“ d.d. Tuzla, a u vezi sa članom 97. stav 2. Opštih uslova za priključenje na sistem daljinskog grijanja i isporuku toplotne energije sa Tarifnim pravilnikom „Centralno grijanje“ d.d. Tuzla, na koje je Gradsko vijeće, na sjednici održanoj dana 31.03.2022. godine dalo saglasnost Odlukom br. 01/15-A-5305-2022, na prijedlog Direktora Društva br. 01-11734-2023 od 05.10.2023. godine, Nadzorni odbor na sjednici održanoj dana 09.10.2023. godine donosi:

ODLUKU

o izmjenama Opštih uslova za priključenje na sistem daljinskog grijanja i isporuku toplotne energije sa Tarifnim pravilnikom

Član 1.

U Opštim uslovima za priključenje na sistem daljinskog grijanja i isporuku toplotne energije sa Tarifnim pravilnikom „Centralno grijanje“ d.d. Tuzla, na koje je Gradsko vijeće, na sjednici održanoj dana 31.03.2022. godine dalo saglasnost Odlukom br. 01/15-A-5305-2022, član 90. mijenja se i glasi:

„Cijena toplotne energije prema mjerilu toplotne energije (Tarifna grupa I.2, II.3 i III.2) sastoji se iz dva dijela:

- Varijabilni dio (cijena za količinu isporučene toplotne energije) - koji se dobije tako da se broj isporučenih MWh (razdjelni i/ili individualni dio u kolektivnim stambenim objektima sa obračunskim mjernim mjestom) množi sa cijenom za toplotnu energiju (KM/MWh).
- Fiksni dio (cijena za angažovanu snagu (KM/m²/dan i KM/ kW/g), koji se dobije tako da se grijaća površina množi sa jediničnom cijenom i danima grijanja u mjesecu (za tarifnu grupu I.2) ili da se vrijednost instalisane snage u kW množi sa jediničnom cijenom na godišnjem nivou i dijeli sa brojem mjeseci fakturisanja (za tarifnu grupu II.3 i III.2).“

Član 2.

U Opštim uslovima iz člana 1. ove Odluke član 91. stav 1. alineja 5.,6. i 7 mijenjaju se i glase:

- „cijena za jedinicu angažovane snage (KM/m²/dan) za tarifnu grupu I.2-fiksni dio,
- cijena za jedinicu angažovane snage (KM/kW/g) za tarifnu grupu II.3-fiksni dio,
- cijena za jedinicu angažovane snage (KM/kW/g) za tarifnu grupu III.2-fiksni dio.“

Član 3.

U ostalom dijelu Opšti uslovi iz člana 1. ove Odluke ostaju neizmijenjeni.

Član 4.

Ova Odluka stupa na snagu danom donošenja, a primjenjivaće se kad Gradsko vijeće Tuzla da suglasnost na istu.



PREDSJEDNIK NADZORNOG ODBORA

Efendić Armela

Efendić Armela, dipl.ing.el.

O B R A Z L O Ž E N J E

I-PRAVNI OSNOV

Zakon o komunalnim djelatnostima TK („Službene novine TK“, broj: 11/21):

- član 5. stav 4. propisuje da „Općinsko vijeće/ gradsko vijeće propisuje opšte uslove korištenja, čuvanja i održavanja komunalnih objekata.“,
- član 6. stav 2. propisuje da su „Opštine/gradovi dužni posebnim propisima regulisati uslove i način organizovanja poslova u vršenju pojedinih komunalnih djelatnosti.“
- član 21. propisuje da “Visinu cijene i način plaćanja komunalne usluge određuje davalac komunalne usluge uz prethodnu saglasnosti opštinskog vijeća/gradskog vijeća...”

Odluka o komunalnim djelatnostima („Službeni glasnik grada Tuzla“, broj 09/07, 11/11, 04/13, 02/14, 03/16, 02/17, 13/18, 06/19, 08/19, 01/20 i 10/20):

- član 11. stav 1. tačke f. i g. propisuju „da je davalac komunalnih usluga dužan da utvrdi normative rada, kao i da uspostavi tarifni sistem koji će biti osnova za naplatu usluga”;

Odluka o snabdijevanju Grada toplotnom enenergijom („Službeni glasnik grada Tuzla“, broj 10/17, 11/17 i 1/19):

- članom 29. Odluke o snabdijevanju Grada toplotnom energijom (“Sl. novine Grada Tuzla”, broj: 10/17, 11/17 i 1/19) propisano je da “za isporučenu toplotnu energiju javno preduzeće naplaćuje naknadu, u skladu sa Tarifnim pravilnikom, na koji saglasnost daje Gradsko vijeće”.

Opšti uslovi za priključenje na sistem daljinskog grijanja i isporuku toplotne energije sa Tarifnim pravilnikom broj: 09-13737-2021/XII-2 od 09.12.2021. godine i Tehnički uslovi za priključenje na sistem daljinskog grijanja i isporuku toplotne energije „Centralno grijanje“ d.d. Tuzla broj: 09-13737-2021/XII-2 od 09.12.2021. godine , na koje je Gradsko vijeće Grada Tuzla dalo saglasnost Odlukom br. 01/15-A-5305-2022 od 31.03.2022. godine.

II-RAZLOZI ZA DONOŠENJE

Opštim uslovima za priključenje na sistem daljinskog grijanja i isporuku toplotne energije sa Tarifnim pravilnikom broj: 09-13737-2021/XII-2 od 09.12.2021. godine, a na koje je Gradsko vijeće Grada Tuzla dalo saglasnost Odlukom br. 01/15-A-5305-2022 od 31.03.2022. godine (u daljem tekstu: Opšti uslovi) obračun isporučene toplotne energije kod tarifnog korisnika vrši se svrstavanjem tarifnog korisnika u odgovarajuću tarifnu grupu i obračunavanjem isporučenih količina toplotne energije prema važećoj cijeni određenoj prema Metodologiji utvrđivanja cijena isporuke toplotne energije tarifnim korisnicima Društva.

Članom 74. Opštih uslova tarifni korisnici prema potrošnji toplotne energije podijeljeni su u tri tarifne grupe, i to:

- I. Tarifna grupa – domaćinstva
 - I.1. - domaćinstva, obračun po m²,
 - I.2. - domaćinstva, obračun po MWh.

- II. Tarifna grupa – privreda
- II.1. - privreda do 3,5m visine, obračun po m²,
 - II.2. - privreda preko 3,5m visine, obračun po m²,
 - II.3. - privreda, obračun po MWh.
- III. Tarifna grupa - ostali korisnici (npr. obrazovne ustanove, kulturne institucije, itd.) koji se posebnim odlukama svrstavaju u Tarifne grupe
- III.1. - ostali korisnici, obračun po m²,
 - III.2. - ostali korisnici, obračun po MWh.

Prema članu 90. Opštih uslova cijena toplotne energije prema mjerilu toplotne energije (Tarifna grupa I.2, II.3 i III.2) elementi cijene toplotne energije su:

- Cijena za količinu isporučene toplotne energije, koji se dobije tako da se broj isporučenih MWh množi sa cijenom za toplotnu energiju (KM/MWh).
- Cijena za fiksni dio priključne snage (KM/MW/mj), koji se dobije tako da se vrijednost instalisane snage u MW množi sa jediničnom cijenom na godišnjem nivou i dijeli sa brojem mjeseci fakturisanja.

Međutim, a prema „Metodologiji obračuna i utvrđivanja cijena za isporučenu toplotnu energiju tarifnim korisnicima“, a na osnovu izvršenih analiza i kalkulacija cijena, *fiksni dio* cijene toplotne energije prema mjerilu toplotne energije (Tarifna grupa I.2, II.3 i III.2) *se utvrđuje* na način da se grijaća površina množi sa jediničnom cijenom i danima grijanja u mjesecu (za tarifnu grupu I.2) ili da se vrijednost instalisane snage u kW množi sa jediničnom cijenom na godišnjem nivou i dijeli sa brojem mjeseci fakturisanja (za tarifnu grupu II.3 i III.2). Budući da u važećim Opštim uslovima nije postojao m² kao izraz kroz koji se može iskazati angažovana snaga, bilo je neophodno izmijeniti 90. i 91. važećih Opštih uslova. Iskazivanjem fiksnog dijela kroz grijaću površinu, osigurani su temeljni postulati načela efiksanosti i transparentnosti. Naime, polazeći od činjenice da se prema korisnoj jedinici grijaće površine i godišnjoj potrošnji energije određuje učinkovitost potrošnje energije u objektima ($E = Q/A_{gr} = kWh/m^2god$), te da su sve korisničke jedinice priključene na SDG Grada Tuzla definisane kroz mjeru grijaće površine (svi tarifni korisnici usluga Društva imaju iskazane grijaće površine na svojim računima za isporučenu toplotnu energiju i kao takva, grijaća površina, predstavlja osnovni tarifni element tarifnih stavki), to je shodno tome kroz novu Metodologiju, fiksni dio ukupne cijene, definisan kroz cijenu grijanja po m².

Nadalje, kako bi se istakao vremenski period na koji se odnose jedinične cijene fiksnog dijela priključne snage, u izraze KM/m² i KM/kW je uvedena i oznaka za vrijeme, kako slijedi:

- KM/m²/dan;
- KM/kW/g – gdje „g“ predstavlja vremenski period od godinu dana tj. mjesece fakturisanja isporučene toplotne energije (januar, februar, mart, april, oktobar, novembar i decembar).

Također, bilo je potrebno osigurati i dosljednost korištene terminologije u ova dva člana. Naime, u navedenim članovima prisutna su dva pojma koja imaju isto značenje: „priključna snaga“ i „angažovana snaga“, dok je u Metodologiji prihvaćen termin „angažovana snaga“, jer isti po definiciji iskazuje stepen angažovanosti kapaciteta samostalne korisničke jedinice.

III - FINANSIJSKA SREDSTVA

Za provođenje ove Odluke nisu potrebna dodatna finansijska sredstva.